

TNC 5379 / 7902

3





28473



2845B

元夜元夜

元夜元夜  
元夜元夜  
元夜元夜

元夜元夜  
元夜元夜  
元夜元夜

元夜元夜

元夜元夜  
元夜元夜  
元夜元夜

元夜元夜  
元夜元夜  
元夜元夜

元夜元夜  
元夜元夜  
元夜元夜

元夜元夜  
元夜元夜  
元夜元夜

元夜元夜



不繫舟漁集卷之七

元慶元路錄事平陽陳高著



明 八世孫侯官一元較

七言律詩

丁亥冬感懷時聞雲南有擾

溪上梅開花可憐  
看花祇欲卧溪邊  
非關景物他鄉異  
自是愁思觸處牽  
南鄙寇戎當此日  
中原飢饉已連年  
吾徒漂轉成何事  
只合滄江買

釣船



容黃山三首

自到黃山十餘日終日飽飯只昏々誰家搥練  
不停杵俗吏抱書長在門天寒鴻雁滿南國歲  
晚梅花開故園客裏謾將詩惻藉遣懷不用酒  
盈樽

山高冬曉不見日海近晴天多出云何處魚蝦  
爭到市小溪鵝自成群農家政苦徵租々急縣  
吏遠聞出郭勤獨坐幽窓生白感風前落葉更  
紛々

政怜山頭雲霧微俄復細雨下霏々他鄉作客  
經時久滄江買船何日歸堂上愁親鬢髮白天  
未故人音信稀似聞西橋風景好擬將愁顏看  
鷗飛

送王公毅清流尉

琅琊之山繞郡青清風千古醉翁亭故人作尉  
殊不惡寇盜于今况已寔画舫入淮乘夜月瑯  
弓行道見秋星到官尚想多出興白日全鞍掛  
玉瓶



桐江舟中

桐江春夜春雨中孤舟灘上風力強老夫船頭  
看山色何人煙際歌滄浪紅桃幾樹開照水白  
鳥一隻飛過墻作客天涯恰三載深憑景物送  
還鄉

送鄭汝玉歸莆閩

莆閩深入海東南日出先看曙色酣李愿歸耕  
盤古土杜陵思樂百花潭到家三月出盤白八  
饌千林竹筍甘愧我天涯尚羈旅鄉愁因爾不  
能堪

懷賈陵州

凄然作客海東頭幾度登山憶賈侯在昔文章  
蒙許可祇今詩句費賡酬五湖春水村々長三  
月吳花樹々出遙憶画船頻載酒此身那得伴  
清遊

送孔子克赴戊子會試

先師之後悉賢良今子秋闈復擅場賸喜飛騰  
同大阮更怜文采繼元方天高金闕星辰動春



不繫舟漫集  
三  
暖瓊林雨露香尚想東風得意日宮花斜插照  
杯觴

正旦

正旦每年長作客今年新歲得還家鄉閭禮數  
生疎甚故舊迢泛笑語譁椒酒懽來尊屢盡菜  
盤醉後味偏嘉南州土暖春光早恠見紅桃滿  
樹花

次易剛中韻二首

腰帶都因病裏寬晨興去賴俯流湍轉蓬獨客  
空滄海折桂群公在廣寒白酒可令終日醉青  
山那似故鄉看期君共買雙溪艇高掛風帆上  
碧灘

年七湖海歌長缺渺七乾坤寄此身近到荒村  
經數月得逢佳士作比隣東風齊落花千樹涼  
夜新年月半輪策杖好來同煮茗題詩何用若  
懷人

落日

秋郊慘淡落日微西風蕭七吹客衣殘霞紅葉



不繫舟溪集  
四  
自相映獨鶴孤鴻何處歸中州塵暗鼓聲急滄  
海浪高舟楫稀回首東山月未上惟看星影弄  
輝

易剛中來訪

一月過門無好客故人底事到郊齋相看萍梗  
悲華髮共語干戈感客懷籬菊有花堪對酒盤  
餐無物旋煎鞋情真政擬留君宿童僕催歸忽  
滿堦

元日括溪舟中

元日舟中眠復坐盪漿下灘多北風椒花柏葉  
負佳節紗帽布衣隨短篷溪山可人空滿眼歲  
月催我恐成翁臘底還家今未到新年思溪情  
最濃

雲松巢為曾東白賦

雲松深處何人住東白先生結構幽可但巢君  
同太古祗疑仙隱是丹邱涼生牖戶濃陰合氣  
潤琴書曙色浮不有歸來隻白鶴月明誰得伴  
清秋



江亭獨坐圖

老翁獨坐江上亭  
遠山近山青復青  
白波東流天渺上  
碧樹白古天冥上  
目送飛云渡水去  
嘯引神蛟出穴聽  
此意世人誰到得  
除是謫仙初酒醒

甲午歲濱州道中

驅車北行值歲新  
濱州城西官道長  
遠山殘雪映日白  
曠野飛沙如霧黃  
身世百年徒汗漫  
頭顱四十愈踈狂  
已判今夕到無棣  
爛把酒杯澆

客腸

三月十三日錢成夫壽旦諸公會飲城南文秀園

城南園館小橋東  
柳樹青上花樹紅  
此日杯盤追勝事  
一時冠蓋集群公  
美姬舞罷歌金縷  
醉客歸遲並玉驄  
莫遣春光空老去  
明朝懽會更須同

羈思十首次謝純然韻

霜風吹帽髮全枯  
多病兼愁懶步趨  
身寄他鄉



年又盡吟看衰草日將晡故園消息沈天表舊  
日交遊隔海隅祇有濁醪堪遣興擬從隣舍典  
羅襦

山骨倚天霜落後湖光沃日雨晴初何緣碧樹  
千尋起誰遣流波萬頃瀦眺望豈無佳景致羈  
棲不似舊閭閻草堂憶在清溪曲竹裏幽窓可

讀書

夜中見月渾忘寐曉起看山祇獨吟那得文章  
垂不朽已知衰老故相侵天寒大澤龍蛇蟄歲

晚荒郊雨雪深有客可人吾邑子往來時得一

開襟

客居無事日從容只有傷心似酒濃全馬玉堂  
成寂寞田翁漢子慣逢迎坐看同聲名起羞見  
誰諸生禮數恭淮北近傳兵甲滿且須歸去接  
孤松

晚來濯足白清湍遠客無朋搃不懽彈鋏高歌  
遂自笑開樽一醉未能拚散材豈必同樗櫟薄  
俗誰令愛萑蘭父老相逢情更惡為言租稅未



不繫舟集  
卷七  
七  
輸官

盛世賢才皆進用野人漂泊更何悲  
無由省達聯鴛序且向江湖食肉糜  
劉向重登天祿閣荀公再入鳳凰池  
腐儒只解談今古豈有功名勒鼎彝

淮西盜賊成群起攻奪城池殺害多  
保障誰能為尹鐸折衝未見有廉頗  
南來羽檄時時急北向官軍日日過  
賈誼治安空有策九重深遠欲如何

落木飛鴻冬月暮短衣烏帽五湖濱  
思親夜夜生歸夢坐客年年笑此身  
犬吠競猜南越雪鶯啼未聽上林春  
世間誰是知音者青眼相看只故人

雁蕩遙怜天台秀雨過群峯翠黛凝  
崖瀑高懸千丈雪洞門深積萬年冰  
幾回夢想題詩到何日歸來拄杖登  
擬拉仙人酌仙酒醉看明月海東升

漢朝儒雅江都相唐代文章吏部郎  
萬古斯人



如日月祇今餘子但膏梁蕭條自恨生予晚  
迨逐何日到汝旁俯仰乾坤一長嘯不知身世在  
他鄉

懷信州彭仲愈

盜賊攻破信州城傳聞殺戮到孩嬰故人經年  
去信息此時去地避刀兵風雨每驚鄉夢短鶯  
花偏喚客愁生蘭溪船上看紅葉長憶同歸載  
酒行

桃山小港

江流深入亂山堆山隨江轉勢縈迴天雨天情  
龍出沒潮落潮生舟往來遙看縹緲雲煙起疑  
是神仙洞府開豺虎縱橫不可到行盡水源空  
復迴

寄題葉寺皆山樓

聞道君家樓絕奇青山重疊開眾竇嵐氣能今  
窻几濕日光映出樹林遲二月三月雨晴後于  
峯萬峯雲起時想見登臨足出賞倚欄留客共  
題詩



寄亨元峰

見說元峰亦有年，墨名儒術最堪憐。  
山中到老應長健，筆下能文非浪傳。  
習隱存陶令，菊尋盟社結遠公。  
蓮何時釋我塵纓，縛束伴間雲聽說禪。

辛丑元日至正二十一年

新年攬鏡白髮多，老將至矣可奈何。  
雲霄飛騰去壯志，山林懶拙抱沈疴。  
江西江東地流血，村北村南人荷戈。  
生逢此世有何樂，屠蕪飲罷強高歌。

高歌

詠雪三首

連年臘月不見雪，今日開門對雪山。  
滕六飛花自天上，仙翁種玉滿人間。  
淮西戰士去消息，剡曲扁舟誰往還。  
試看梅花故去恙，且將濁酒破愁顏。

積雪經旬白未消，紛紛又見六花飄。  
野蠶繭熟堆千頃，雲鶴毛輕散九霄。  
草屋曉來寒凜冽，江村歲暮景蕭條。  
題詩最苦無佳句，那得騎驢過



灞橋

昨夜苦寒不可當  
曉起雪侵三尺強  
江上光搖瓊玉樹  
空中碎剪白霓裳  
征夫賈客廢行路  
草舍席門愁絕糧  
來歲豐穰預可卜  
吾儕猶及見時康

寄陳彥康

樓屋近山東  
海頭翠雲影  
落小窻  
幽登臨昔日  
同諸彥  
羈旅經年憶  
舊遊  
故國鶯花春入夢  
滄江風雨夜生愁  
不堪老去悲離別  
歲月無情入

水流

寄顧仲明教授

長憶清華翠色寒  
北窻對酒幾同看  
鼎煎浦口  
曾奠白盤簇  
簷頭樹  
菓丹未往正期娛  
晚景亂離俄歎失  
清懽  
故鄉回首江山異  
落日閩南獨倚闌

題中峰樓

中峰之樓風景幽  
山花滿屋翠雲流  
海天日出蓬萊近  
月夜煙清沆瀣浮  
溪上松陰歸晚鶴  
簷



前花樹語春鳩齊州渺上黃塵裏此日登臨是  
勝遊

贈陳性初

鬢朱別後正作惡忽見吾宗喜欲狂他人何如  
同姓好流俗都緣聲利忙道友交遊追古昔文  
章品藻出尋常青雲期爾飛騰早館閣諸公鬢  
已蒼

寄高梅叔兼簡竹道源

每憶西齊竹色深東風新筍想成林一春彈缺  
梁溪上何日移船溪水陰高子平生偏愛客行  
公與我最知心相期白首交情在歲晚鷗盟可  
重尋

送馮升伯航海歸

江頭木落晚蕭蕭送客滄江萬里潮過海青天  
終咫尺開帆白雁共飄飄故鄉霜後魚蝦熟十  
月山中蘋粟饒思爾到家無限樂歲寒清隱可  
能招

獨坐



水繫舟漢集  
獨坐東南日向晡風高雪盡雁行孤青山天際  
連於越白水秋來滿太湖海內干戈猶爛漫舍  
西園圃近荒芸文章未必能經世深愧飄蓬歲  
月租

挽許慈父處士

豺虎縱橫滿故邱少微星殞避旄頭骨仙生托  
旌陽夢羽化今從長史遊池上鳳悲春雨黑松  
間鶴去暮雲愁誅文賴有燕公筆解使清名身  
後留

吾宗雅愛北山居几上常推素尚書橘葉秋  
浮石井杏林春綠滿庭除宋清楚券誰能侶  
扁鵲回生信不虛海內即今成痼疾問君醫  
國計何如

送陳與公入京

掾郎文采吾宗彥從柯之京意氣雄碧海五  
更北斗錦帆六月掛南風九天宮闕祥雲合  
萬國車書此日同看汝飛騰方綠髮煙蓑應



笑白頭翁

題聚禽圖

出禽去數雜雌雄畫筆能追造化工  
白鷺彩鴛洲渚上班鳩錦雉樹林中  
雙上上下下飛相逐箇箇分明態不同  
安得小亭依綠水朱欄盡日倚東風

濯足秋風圖

千峰翠影落孤舟  
高人濯足滄江流  
遠天光動玻璃碧  
西風木落瀟湘秋  
渺々乾坤大瀛海  
悠悠

悠今古一浮漚  
崑崙玄圃在何處  
從此乘風萬里遊

謝戴文瓚僉院惠草帽

細結夫須顏色新  
使君持贈意偏真  
玉川便易煎茶帽  
元亮遠拋漉酒巾  
影墮水波浮  
晚照黑遮霜鬢  
隔秋塵  
深慚欲報無瓊玖  
感戴寧忘拂拭頻

遊靈山寺

舊聞海上有神山  
今見樓臺島嶼間  
鼇背千年



不繫舟海集  
聞佛國鯨波千里隔人寰風吹僧影浮杯渡雲  
送龍身聽法遠避世擬從支循隱塵簪吾已久  
投間

東林院在陳家塋

佛子神功世莫論空中擁抱作峯巒貝宮萬疊  
金銀爛琪樹千章紫翠屯白日風雷生樹底青  
天化雨散雲端何當伴我烟霞隙一榻寧辭野  
閣寒

送孔正夫越會試

冬日江頭梅蕊新鹿鳴歌輟送嘉賓把文南省  
已驚俗對策明堂定絕倫桐樹朝陽彩鳳鳴桃  
花春浪化金鱗高堂白髮俱強健早聽紫泥出  
紫宸

趙氏祖墓大樟木

翠拂蒼穹藹綠烟地靈一氣萃山川孫枝直聳  
三千尺奕葉曾經幾百年詩祀培根資伯仲衣  
冠席廕續曾三玄槐門巷應相似何似君家慶  
澤綿



黃河

河流九折自崑崙海內川渠此水尊勢走東南  
無日夜聲喧雷雨動乾坤禹功曾鑿三门險漢  
使空窮萬里源千古英雄爭戰處舟人指點尚  
能言

自明回溫留寓郡城不得遂歸田之願述  
懷有作

西風落葉送清秋力疾凭欄寄遠愁政慕陶潛  
歸栗里翻為主策容荊州山峰近郭東西起江  
前日愁看人日雨今朝喜見立春晴土牛鞭動  
驅寒氣玉燭調和想太平片<sub>匕</sub>雪梅窗外落絲  
<sub>匕</sub>白髮鏡中生年來貧病添衰老節物闕懷負  
酒觥

過清華山訪曾子白不值留宿僧舍

青華山根紫石洞僧家結構林泉幽為憶看書  
坐白日相送策杖來清秋煙霞滿目共誰賞  
鶴有情邀客留尚擬青燈對今夕逢君煮茗話  
離愁



冬日夜夢中得句因續成之

今日冬至陽始回客中無賴廢持盃  
乾坤萬里風塵滿南北何時道路開  
白髮頻添隨繡線壯心都冷類葭灰  
中與早看雲臺築老去何妨卧  
草萊

劉山驛

馮公嶺頭樹可數劉山驛前花正開  
白日同行如夢寐長年作客暫歸來  
生涯謾倚青藜杖羈思都憑濁酒杯  
野店老翁驚再至自怜不是棄

繻才

題白鶴寺瀑布

白鶴寺前看瀑布丹霞洞中坐莓苔  
千古萬古流不尽前山後山何處來  
風吹散作晴天雨客夢幾聞半夜雷  
我欲挽歸霄漢上偏令六合洗  
塵埃

客南塘作四首

亂離作客最間關目送歸鴻老淚潛  
咫尺家鄉成異域朝昏烽火映前山  
學仙無路遊三島避



地何時到百蠻獨立風前梳短髮懶將明鏡照  
衰顏

春來日日起西風吹送浮雲過海東花落名園  
荒草滿燕歸華屋故巢空陶潛解印間居久王  
粲登樓作賦工舊日交遊多白首時相見慰  
途窮

雨齊南塘春水多日光浮動綠生波風前無數  
蜻蜒舞柳底成群白鷺過垂釣老翁真可画盪  
舟女子最能歌眼看景物渾依舊飄泊風塵奈

老何

江頭去計問歸舟抱病羈樓古寺出風雨鶯花  
成寂寞干戈詩酒廢賡酬衰年白日愁邊度故  
國青山夢裏遊見說王師向淮甸早須傳檄定  
南州

和陳君從中中秋對月二首

海風吹月上江頭碧落沉白露秋對酒何人  
開綺席題詩有客在江樓一天星斗光全沒萬  
古山河影不收極目南溟仙島近乘槎欲放釣



鰲鉤

每恨中秋對月難  
天時人事總堪歎  
幾年愁向  
他鄉見此夜  
欣從故里看  
光射玉龍鱗  
甲動影  
翻翠鳥羽毛  
寒已拚醉倒  
金樽側  
百歲光陰若  
逝湍

楊建德名其居曰竹泉求予賦

綠竹流泉帶草廬  
眼中此稱志居荷  
節移塵  
清去比開徑  
穿渠計未疎  
書帙翻風驚  
翠羽鉤  
絲牽雨出文  
魚棲  
適自得邱園  
樂不羨人間  
駟

馬車

不繫舟渙集卷之七終

卷七



不繫舟漢集卷之八

元慶元路錄事平陽陳高著  
明 八世孫侯官一元較

五言絕句

思親詞

淚滴東甌水思親欲見難  
水流終有盡見淚幾時乾

送興童都事遠京三首

家臨東海任身共白雲  
間不為瀛洲客終年不



出山

出山連日雨送客大江潮天際開晴色雲帆去

影遙

日照離筵酒風吹去客舟不如東海水相送到

神州

題畫二首

煙樹高低綠春山遠近青僧歸雲外寺客坐水

邊亭

曉嶂青螺起晴雲白練舒林間茆屋小髻髻似

吾廬

已亥四月十九夜夢中作二首

芳草隔平地暮雲生遠天空將舊時淚洒向落

花前

烏鵲鳴棠樹椒花泛瓦尊雙親堂上坐執爵有

諸孫

題畫四首

小園桃與李春日競繁華石上出蘭樹秋水自

作花



茅舍雪初消  
出窻夜方靜  
美人期不來  
月照悔花影

愁來生白髮  
問爾復何愁  
應被春光惱  
多情雪滿頭

芳草綠淨姿  
開花媚長夏  
蛺蝶自飛來  
豈是忘憂者

題水仙花園

草木凋零盡  
風霜送歲華  
湘江寒夜月  
獨照水仙花

訪楊汝措  
遇其飲醉不相見

為愛楊雄宅  
携酒暮往來  
草玄人醉卧  
惆悵抱琴回

題丹邱生柯敬仲竹木

雲煙迷紫閣  
風雨暗丹邱  
仙客今何在  
淒涼竹樹秋

題子昂折枝竹

帝子啼痕濕  
湘江暮雨寒  
絕怜樵采後  
留得一枝看



絕句

地濕泉流礎庭虛石卧雲井欄行小蟻蛛網掛  
飛蚊  
雲合虹腰斷風回雨脚斜淺灘屯宿鷺高樹競  
棲鴉

雁字

勢折成千點行開見八分書空有底恨落日映  
回文

紅葉

片<sub>匕</sub>染秋霜枝<sub>匕</sub>映夕陽縱繞紅勝錦只是惱  
愁腸

題王景略扞蟲圖

頭岸烏紗幘身穿白布衫英雄如不遇扞蟲對  
誰談

禽名詩

遊子歸心切提壺看落紅告天<sub>匕</sub>不語愁殺白  
頭翁

藥名詩



不繫舟漢集  
大夫懷遠志兒女苦參商  
過海防風浪何當歸  
故鄉

六言絕句

贈諸葛東山

丞相名傳萬古遠  
孫學足三餘試問東山高卧  
何似南陽草廬

不繫舟漢集卷之八終

不繫舟漢集卷之九

元慶元路錄事平陽陳高著

明 八世孫侯官一元較

七言絕句

送章好德遠京二首

海清天影落波間  
使者樓船六月還  
水底蛟龍眠不起  
順打鼓過成山

北望燕山倚舵船  
水程十日到通州  
宸居縹緲青霄上  
閭闔拜冕旒



題菘菜圖

栗里園荒舊日歸  
手栽菘菜兩根肥  
只今客裏看圖  
盡惆悵紅塵滿日飛

赤城春曉圖

曉日霞光映赤城  
瓊臺天近碧雲生  
世間車馬紛如螻  
誰聽先人弄玉笙

清港渡

清港磯頭坐夕陽  
蕭蕭隻影寄他鄉  
天邊不盡青山色  
若比羈愁更長

題猓獬圖

西域狡獬百獸豪  
照人閃電紫金毛  
當年入貢來疏勒  
誰向明堂諷旅獒

戊子元日客中有感二首

慈烏繞樹聲啞啞  
新年見汝更思家  
弟妹堂前稱壽酒  
吾身飄泊海天涯

生平若有文章癖  
老大仍悲歲月增  
館閣祇令招隱逸  
吾曹何日見飛騰

題花竹翎毛回首



棠梨三月吐花齊有穀飛來樹上啼想見小園  
微雨過春光都在石欄西  
梨花沐雨帶嬌羞獨立枝間一鳥幽若遣美人  
初睡起定應無處看春愁  
秋林物色晚凄<sub>々</sub>寒雀飛來棘上棲最愛石根  
青竹好天空不見鳳凰啼  
乾坤寥落歲將闌竹葉梅花獨好看可惜幽禽  
棲不穩霜風日暮羽毛寒

題梅花二首

夜宿羅浮酒半酣霓裳夢裏舞毵<sub>々</sub>覺來月在  
梅花樹去限清愁落海南  
西湖載酒負<sub>々</sub>期想見梅花似舊時曾憶倚<sub>々</sub>  
清夜看雪晴月照過墻枝

東坡遊赤壁圖

石壁懸空樹影空江船載月鶴鳴孤湏知蘇子  
登臨地不是英雄戰<sub>々</sub>聞壇

題畫

夕陽凝紫滿秋山松下茆亭只數間獨棹小舟



溪上去何人得似老翁閒

白蓮圖

佳人翠袖玉為容  
淪落清波恨最濃  
千載香魂銷不得  
至今他作白芙蓉

溪山秋意圖

古木槎牙夕照間  
蕭蕭秋意滿溪山  
東風擬覓玄真子  
不見漁舟繫石灣

題戴悅齊兄弟墨迹

戴家伯仲舊知名  
聞道臨池筆意精  
今日曉窓看墨迹  
風流鬢髮見平生

王子猷訪戴圖

月照清溪雪滿山  
孤舟乘興只空還  
一時來往同見戲  
底事流傳滿世間

即事漫題十首

日上西山黃霧昏時上  
戰鼓響江村  
愁看春色隨流水  
那得閒懷對至尊  
年上花發可伶春  
今年見花愁殺人  
不是風光近來別  
祇緣兵戰此時頻



連年築寨向山中曉起俄看野火紅三百壯夫  
同日死千家居室一時空  
老翁憶子哭聲哀婦怨征夫去不日前日山中  
新戰死昨宵夢裏見歸來  
悍吏登門橫索錢人家供給正憂煎官糧預借  
三年後軍食尤居兩稅先  
農夫江邊立荷戈無人南畝種嘉禾今年妻子  
愁幾死活到明年更奈何

泣海居人不種田捕魚換米度長年釣船漢網

都狼籍老稚流離哭向天

將軍披甲氣如霓猛士操戈命若絲高坐談兵  
真莫敵前軍戰死竟誰知

江海波濤日日生山林豺虎復縱橫老人僻在  
深村住恰似春蠶蠶裏行

兵戈相尋十餘年十人九死一生全近聞閩陝  
王師出何日南來掃瘴煙

煙江疊嶂圖

煙波千里楚天長疊嶂青  
入渺茫江山渙舟



原不繫祇應招我釣滄浪

八月十六夜憶何汝樵林希顏追思往事

悵然傷懷二首

月滿堦空獨自行思君偏動舊時情少年相見  
今頭白幾度中秋看月明  
昔年曾憶夜相適共賞清光對酒歌天上月明  
遠似舊故人分散奈愁何

貞婦詞五首

處之麗水葉氏女嫁為潘家婦處陷葉女歸

家從父母居白巖砦中與弟婦王氏以死自  
誓賊至王先自經死葉與其妾新蔡相隨投  
大酒甕中甕破因投崖下死鄉人為立詞焉  
白巖山砦白雲根剪紙那招節婦魂澗水流乾  
巖石爛精靈終古在乾坤

女子歸寧婦有夫妻知事主肯逃遁葉家一旦  
三人死同門節烈絕世云  
玉質追隨損絕壁悲風蕭瑟起長杉舊傳古嶽  
青楓嶺今見高樓白石巖



紅中攻破處州城多少男兒入虜營何似婦人能守節千古英氣死如生

白石山頭貞婦祠鄉人時節薦香菜憑誰收入春秋筆節義堪為後世師

題蟹

昔年作客到淮陽飽食霜蟹一尺長幾度秋風  
橙子熟樽前空對菊花香

子昂圖

風動秋山日色補舊時林苑盡荒蕪王孫去國  
猶去恙解寫江南竹樹圖

秋雨四首

九月以來天色晴一朝風雨悶遂生客鄉白苧  
那禁冷滄海歸舟未可行

牆邊黃菊開正好曉來雨過盡離披客裏宜悲  
秋色老遙怜打損故園枝

雨脚黃昏萬点齊只愁入夜更凄<sub>七</sub>家書可忍  
題橙下歸夢那能到屋西

老親憶子海城邊舍弟思兄風雨前秋水夜來



添一丈枯溪應望下灘船

棘上雙禽

出禽竝立羽毛齊日落風寒棘樹低擬待洛陽  
春色好牡丹枝上伴鶯啼

劉景玉贈蕙花口占絕句謝之

故人曉剪盆中蕙遣致雙枝几案前祇恐鼻根  
勾引慣朝朝準擬送新鮮

景玉和韻來覓荷花復成二絕送花與之

荷花口落蓮房在不似蘭蕙殞風前謾遣數朵

供玩賞深怜佳實倍芳鮮

覓花仍許為開筵瓶罈應簪置席間但得雙樽  
浮綠蟻不須多品競紅鮮

贈星士陳光大三首

有客布衣紗帽烏相逢華髮更清癯曾聞歷卜  
青雲士他日還應到我云

爰汝讀書不作吏少年蹉跎今老成日占開簾  
肆中坐高談禍福使人驚

底用羸糧去遠遊只將奇術動公侯京都春色



不鬻舟漢集  
濃如酒三月桃花滿御溝

題水仙

深冬霜雪送年華野草全枯未作芽  
賴有小園春意在新聞去數水仙花

送牛德大三首

送別都門酒半酣綠楊芳草憶江南  
故鄉聞道風塵起欲寄家書不忍函

四月西湖景最奇使臣行役到家時  
画船載酒

輕<sub>匕</sub>蕩紅袖籠笙細<sub>匕</sub>吹

蘆溝曉月圖

蘆溝橋西車馬多山頭白照日清波  
羶盧亦有江南賦愁聽金人出塞歌

翎毛

出鳥毛翎也自奇竹邊孤樹立多時  
祇今何處去羅網落日空郊怪所之

陶隱居画像

註就神農本草文高風欲繼大茅君  
羽衣不愛人間聘白山中多白雲



李息齋竹

薊邱墨蹟重今時一尺琅玕價不貲想見小窓  
秋雨後酒醒魄得過牆枝

覓薰香

君家自造薰香品絕似番禹船下來謾遣小詩  
從汝乞已溫微炆得人回

乙巳元日客中二首

去年新歲客東甌今年新歲閩海頭北望家山  
三百里南風何日送歸舟

老鬢慵梳添白髮容樽強飲對新年此身那侶  
山中鶴夜上歸棲碧樹顛

久雨二首

新年新雨連殘臘一月渾去一日晴曉起鶯聲  
都寂寞寒深柳眼未分明  
春來殺氣連天地海內民生寄甲兵獨客倚欄  
愁更老隔牆時聽午雞鳴

藏春亭四首

倚欄祇見四山青竹外牆扉盡日扁絕愛園林



風景好韶華都在水邊亭  
亭前花木滿園栽李白桃紅樹  
開春色惱人  
渾欲醉雙飛蝶過牆來  
細聽流鶯宛轉歌對花不飲  
奈春何日斜醉卧  
堦前草不覺沾衣柳絮多  
好花園裏四時開誰道春光去  
復來但得玉壺  
頻送酒不妨日共御杯

春日送別

昨日相逢今日離東風回首日遲  
春深應有

梅花在別後何妨寄一枝

題顧仲華扇就送之京

好向山中華屋畫晚涼隨意到溪流  
憑君為問  
金臺客何似漢翁不繫舟

題明妃圖

明妃出嫁離長安撥琵琶悲遠天自是生為  
延壽談至今死後畫圖傳

題畫

華蓋群峯雁蕩南夕陽雨過碧於藍  
秋風八月



涼堪倚拄杖穿雲看石楠

不繫舟渙集卷之九終

不繫舟渙集卷之十

元慶元路錄事平陽陳高著  
明 八世孫侯官一元較



序

族譜序

族之有譜所以別宗支叙昭穆定長幼辨親疎也流派雖分而其原同出乎一子孫雖衆而其祖未嘗有二以吾祖之一身而為子孫之千百非譜曷以明之然現今世昌盛之家族之無譜



者固多矣有譜而泛及乎遠者亦多矣族而無譜則不知其奉始之自所忘其祖有譜而泛及乎遠則指他人之先以為吾之先誣其祖也為子孫而忘其祖非仁也為子孫而誣其祖非智也二者君子之所不與也陳氏有虞帝以來不知其幾百世矣而吾祖則在五季時自閩之長溪岸避亂遷居平陽今已四百餘年入宋為鄉之望族亡舊有譜亡失于大德丁酉風潮之變高生也後志在修輯而無所考見乃廣詢諸族

之故老及檢尋先世遺簡殘幅略得其宗派流傳之一二因次序之以為陳氏之族譜焉失其名者則闕之而猶著其字傳疑也得其寔者則謹而書之傳信也斷自始遷以下而又及夫居閩之世而不忘其祖而亦不敢誣其祖也嗟夫先王之時人亡親其親長其長而至於陸其族在上者既立其宗以繼之又有不悌不陸之刑以糾之故服雖有降而凡同族之人各有不相親愛而未始向背棄也降及後世澆偽日滋而



上失其政富貴自驕勢利而爭甚而手足同氣  
猶相視如途人而况於服之窮乎况于十數世  
之遠者乎為吾族之子孫者盍亦思法古人之  
厚而戒今之世薄乎此高所為作譜之意也

易書二經通旨序

予友趙君著易書二經旨通取經文意義之近  
似者比類而條析之或會而同或別而異大而  
為天文地理細而為制度名物微而為性命道  
德陰陽鬼神以至於先儒之訓詁凡有所疑靡

不解決嗚乎亦勤矣朝廷設科以明經取士而  
試以經義之文易用程氏朱氏書用蔡氏之說  
三經及傳疏數千萬言學者諷誦尋繹或自少  
至老不能究一經及就試場屋主司發難則握  
筆矐視不敢措辭者往往有焉趙君獨能研精  
探賾貫穿融會解其肯綮剖其盤錯使習是經  
者得而觀之如獲指南之車不待問途而越裳  
可至其餘答主司之問也何有然則是編之有  
益于學者固不少矣雖然士之明經豈專為科



舉計哉聖人之道非經不傳學者讀聖人之經則當求聖人之道是故明吉凶消長之理知進退存亡之幾而動不違乎時則深于易者也觀二帝三王之心唐虞三代之治而以之修己治人則深于書者也若夫迷溺于文字之支離而徒以是為進取之媒者亦豈趙君之所望乎後學也哉

四書管窺序

聖賢之言夫豈徒言而已哉道所存也故凡求

道者不可不得于其言不得其言而欲以明道譬之適國而不由其途未有能至焉者矣然聖賢之于言也或近而指遠或約而義微大而無乎不周細而無乎不備載諸方冊宏深簡奧而其理寔具于吾心學者不可以易而覘之亦不可以僻而求之也夫以易而覘則鹵莽而疏畧以僻而求則穿而鑿而牽附若是則日誦其言而不達其意其于其道也不亦遠乎孔曾思孟之書載道之言也自朱子為集註章句釋其義



理要其指歸而其說大明于世其辭詳以密其  
趣悠以長天下學士所共尊信至于受業松淑  
之徒又為之發其緒餘繹增廣紛然間見而層  
出背為違者亦或有為文日繁而辨日起歧愈  
多是以明朱之說然後自詳而反約以究聖賢  
之言則其為道也庶幾矣

顧氏文錄序

顧君仲文錄其先世雜文凡若干篇編次成帙  
題曰顧文錄而俾高序其端序曰太上立德其

次立功其次立言古之君子死而不死者有所  
立也立德立功尚矣而言之可傳于世夫豈易  
乎哉言之不文則其傳也不遠此君子所以貴  
乎文也文之載乎道者蓋難言之矣指事陳辭  
摘章摘句雖若異乎古之立言者然其稱述論  
議往來唱酬藻思縱橫才華發越有以誇美于  
人而流傳于後固亦當世之所重也吾鄉望族  
蓋非一姓而顧尤為時所宗自他姓而覩其位  
固有顯焉者矣其賢固有厚焉者矣其子姓支



孤亦有蕃衍者矣然而又人才士彬々輩出未  
有盛于顧氏者也嘗聞之長老言其在前朝時  
試藝場屋者比肩駢首策名進士前後不乏而  
通經博古馳騁詞翰為鄉人所推重者乃至八  
九十人然則顧君之所錄持存一二于千百耳  
簪纓世族務以爵位相高一再傳後泯沒于矣  
聞其有可稱者鮮矣蓋顯榮于一時者卒不免  
于草木同腐而垂聲後世在此而不在彼也現  
文錄者亦可以自厲矣是編以錢塘王薄君上

蕭侍郎書為首書中所論朋黨事著明深切直  
氣凜々足以廉頑立懦使讀之者千載而下猶  
可以想見其為人此又顧君托始垂訓之深意  
也豈徒曰文詞云乎哉

王季修字序

王君福慶其字曰季修翰林承旨巖々公為祚  
大字書當代名公敷繹其義以為說言夫修德  
致福之道詳矣季修揭諸座右以朝名現省焉  
夫男子冠而字所以尊其名而貴其以成人之



道則為之字也得。不寓夫傲戒之意乎。於字而寓夫傲戒之意。則聞朋友之稱之也。其心豈不惻然。思有以踐其實乎。古人盤有銘。几席刀劍。戶牖有銘。蓋所以自傲也。今也耳稱己之字。而目諸公訓之。告辭。安有師保如臨。父母比之。銘盤。几席。刀劍。戶牖。以自傲者。奚以異。若以朋友之稱字為尊乎。己而銜諸公之文。以誇乎人。夫豈季修之意哉。

吳氏世譜序

古之人尊祖而敬宗。敬宗而睦俗。民俗之所以厚也。夫自一人之身。支分派別。而為千百及其久也。有富有貴。有貧有賤。服與親。尽于是。相視如途之人。歷世愈遠。疏者益疏。甚至於富而役貧。貴而役賤。遂令同宗共祖之人。而為傭奴。隸之屬。其故何哉。由圖譜之不明也。是故必族有譜。然後知夫派之別也。而其源同。支之分也。而其本一。貴而不敢遺賤。富而不敢忘貧。則民于是乎不偷而俗。且歸于厚矣。然則族譜之作。



乃所以序昭穆辨長幼別親疏而尊祖敬宗睦  
族之道舉在於是其所繫顧不重歟嗚呼王政  
不行宗法廢久世道下淪日趨于偽簪纓胄屑  
降為皂隸故家舊俗有譜存焉者寡矣而凡同  
姓之中或貴且富則以貧若賤者為非其族而  
邈焉不知恤故吾每覩人之族譜未嘗不興感  
於斯也吳氏之自閩遷平陽今十有六世矣其  
顯名于世則有太常博士白齋先生蘊古及登  
仕籍者若干人世譜所載支派非一而疎遠非

遺後世子孫于凶吉合族之際考諸圖譜以明  
尊卑夫豈有富貴貧賤之相棄而不相睦也哉  
此蓋去者敦厚民俗之遺意固君子之所尚也  
因為之序使覽吾文者或有倣焉則孝弟之心  
豈不由然而生乎

徐氏族譜序

譜所以紀世系也氏所以辨宗族也族久則世  
遠世遠則親疎非譜以記之則同宗相視為途  
人曷知所自之本于一原哉晉宋以來遂分差



次歐陽公用漢年表法蘇老泉取禮大小宗為  
自高會至孫五世而一遷蓋以上下雖或不可  
見而知之亦可以聞而知之庶不失于虛妄之  
誚也坊郭徐氏一十七世孫士琦明蔡氏書肆  
進士業出家譜屬予序之予惟故家舊族之子  
孫所以歷年愈久而愈繁者皆由祖先積慶累  
仁而致之也徐氏自晉天福間于閩之秦川徙  
居平陽縣西其後散居不一獨邑居繁衍登名  
桂籍代不乏人故志稱昆山下孔徐多青紫則  
其世族可知矣今士琦復能修葺舊譜使根株  
枝葉燦然口後人溯流求源可坐而致是亦孝  
之大者也吁祖宗以孝義之積而致族繁子孫  
以孝義之推而修典備古人致重于斯詎不信  
乎若士琦者可謂賢矣于是乎書

山中白雲詩序

天下之物凡可以適意娛情者苟非其所有則



必將尽心力以求之而且不能必得苟得矣又慮夫攘竊之患重固扁鑰惟恐有窺而伺之者而人方且因而肆為爭奪使之不得以有其有是則物之可愛可玩者適足以累夫人耳若夫不勞心而得不用力而有得之而人不譽有之而人不爭此山中白雲所以為可貴也然世之人鮮有知愛之者矣惟方外清幽之士時有取焉浮圖宗旨南居玉環之灵山遺塵垢絕世紛金璧珠璣之寶錦綺蜀翠之華象齒犀角珠貝

外國之珍乃世之所愛所玩者舉不足以易其性情油其心意而獨扁所居室曰山中白雲其好尚可謂異矣且夫雲之為物其來無方其去無迹舒卷自如變化靡常或隱而藏或散而雨千態萬狀若有若無可玩焉而不可執可望焉而不可即旨南間居是室結跏而坐由禪定起覩白雲往來于山谷中漠々乎與身同虛湛々乎與世同寂浩々乎與之俱游于鴻濛之上悠然獨得其趣而豈知世俗之所能知哉旨南既



以之自樂又求能詩者歌詠之且徵言于予故  
為之序引伏知旨南者覩于是詩而又以見其  
志之所在其不知者亦可因是而得其為人矣

望雲圖詩序

凡為人子之愛其親也在乎左右則敬養之禮  
備違乎膝下則思慕之情深故雖顛沛流離之  
際耳目不及夫形聲之接而所以思其親者曷  
嘗頃刻忘哉昔者詩人于行役之勞而不得終  
養也則有陟岵之篇蓼莪之賦發之于性情形

之于歌詠使後世讀之者感慨之意猶不能已  
又况于身處其地而親歷其事者乎常熟繆侃  
叔正世居海虞山之陽至乙丙申春二月江城  
陷叔正避地荒野時父仲素君為掾江淞故父  
與弟皆寓居杭秋七月寇犯杭城二弟皆繼沒  
于兵若疾叔正携妻子入杭省覲居無何三閩  
有警乃奉母度浙江僑居會稽之柯山既而杭  
城克復母氏復返父所叔正方從事浙東帥府  
縻於職守勿獲歸侍而仲素君于己亥歲丁大



父憂自杭歸常熟之故里明年庚子叔正且自  
四明從君來溫去家千里道途阻兵父子相望  
各天一涯十餘年間其得在侍側者僅留杭數  
月耳叔正每以不獲奉溫清進修滄為恨對人  
言之則歎歔太息乃取唐狄梁公望白雲思親  
舍故事俾洪元質畫其故鄉雲山之景及所居  
之室曰猗仁堂者以為圖題曰望雲而士大夫  
之相知者又為賦詩以述其志并寫于上叔正  
朝夕掛圖寓所想像白雲親舍之似而諷誦朋  
友所賦之詩儼然若身處乎虞山之下而聆謦  
欬于父母之前可云不忘其親而切于思慕者  
矣嗚呼孝者百行之本而身者父母之遺體也  
叔正之思親如是則孝敬之心常存而所以奉  
父母之遺體者必將無所不至矣况虧其行以  
辱其身親乎予故為之題辭抑亦古人序詩之  
意云爾

太史家譜序

自因生賜姓之後生齒日繁而居族日衆由是



以字為氏遂以為族周末秦漢乃用氏族為姓  
或以國或以官而姓氏之源流益難別矣故有  
同宗而異姓亦有本異而未同若虞陳胡田之  
同出於姚商殷宋孔之同出于子與夫周魯鄭  
衛同出于姬之類凡此皆同宗而異姓者也王  
姓出周太子晉而魏信陵君之後亦為王馬姓  
出趙馬服君奢而馬矢氏之後亦為馬劉出劉  
累為堯之後而項伯婁敬賜姓曰劉亡聰亦自  
姓為劉至元魏高齊後周隋唐以迄于今或賜

以國姓或改從華姓或往隨母族凡此皆本異  
而未同者是則族之廣者益多混淆而莫考其  
寔矣又况近世家乘族譜之作往往亡魚緣攀附  
忘其先而冒其祖吾豈敢尽信乎若太史者其  
支派傳次譜雖勿完而族亦稀少然初未嘗有  
雜而亂之者也按太史得姓自齊子餘始見載  
記其後顯者戰國有齊大夫敦三國時有建昌  
言都尉慈吳郡太守亨蕭梁時有揚州文學叔  
明都尉初從江南文學居吳興傳至承事府君



基復遠臨安承事之玄孫曰玄出其所著家譜以示今且曰自吾先世得姓已來今已二千餘年矣文學之後迄無聞人且世次之微久將湮沒而後嗣無所考見此譜之所以作也嗚呼玄之用心亦可謂遠也矣夫盛衰消長理若循環大史之微也久矣焉有微而無著異日蕃衍盛大其必在玄之子孫乎

美陳國英修堰詩序

溫之平陽濱海為州之南為長港之南有

田萬餘頃皆膏腴也當山斷處津渠通潮汐所往來並海之鄉田不可稼宋嘉定中鄉人林君居雅始為堰八十丈于津流入海之衝外障海潮內蓄清流數鄉之人咸賴其利元至正三年堰壞屢修治勿克完農民失業歲以荐飢越五年岳侯伯仁來知是州將召民致其役州人陳君國英素有孝義名聞之奮然為已任乃率衆趨事散財募工晨夜截力勞之逾時堰成而尋復壞率衆且未手君獨勞心殫慮百計作治至



于不遑寢食不避風雨靡怠益勤竟獲儔功舊  
規克復于是鄉人之父老咸曰其自今歲且有  
望吾去患飢矣陳君之惠其可忘哉而文士逐  
相率為詩以稱道之予既美陳君之勞而嘉吾  
鄉之蒙其利澤也故為序之而系以歌曰悠々  
巨海兮滂々洪波山斷水交兮潮汐奈何溢于  
川源兮甘泉為醴自古有田兮不可以禾昔人  
經始兮湮以沙土堰其要衝兮以防以禦爰得  
清流兮溉我禾黍食我農兮寔我庾歲既遠兮  
決壞飢饉荐至今為我農害思昔人兮誰復繼  
維茲有土兮為我農惠沈土萬簣兮下石千艘  
再毀再成兮其役孔勞隱以金椎兮既完且牢  
斷截鼃鼃兮捍遏鯨鯨誰寔為此兮利我農敵  
前有林公兮陳君在後自今以始兮歲其大有  
吁嗟斯人兮惠我孔厚



不繫舟漁集卷之十終

不繫舟漁集

十



不  
學  
者  
讀  
集  
卷  
之  
十  
終







